

**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput LXXXIX. Trium postremorum argumentorum imbecillitas ostenditur.

---

[urn:nbn:de:hbz:466:1-73187](#)

## Liber Undecimus.

924

faventes contra legem, quā studiōsē caven-  
dum periculum peccati, ne salus æterna di-  
cimini committatur, &c.

### C A P U T LXXXIX.

*Trium postremorum argumentorum imbecil-  
itas ostenditur.*

1101 **O**bijices 14°. subditus, in omnibus non manifeste malis, juxa SS. Patres obediens debet Prælato præcipienti. Nec peccare potest obediendo; immo cum magno obedientiae merito obedit, licet Prælatus homo sit fallibilis, qui præcipere potest aliquid iuri naturæ contrarium. Ergo tunc etiam obediens tenetur, cum id quod Prælatus præcipit, probabilius est iuri naturali contrarium. Nec proinde tunc obediendo peccat.

Respondeo, antecedens cum grano salis certissime esse intelligendum, etiam juxta doctrinam Sanctorum. Alias repugnaret doctrinæ Sanctorum Augustini, Bernardi, Thomæ, &c. de iis quæ sunt contra jus naturæ, deque ignorantia in iis non excusante. Repugnaret etiam Decretis Alexandri VII. & Innocentii XI. quibus varia propositiones, jus naturæ concernentes, declarantur scandalosæ, & in praxi perniciosa. Quid enim si aliquam eorum Prælatus aliquando præcepisset? suone præcepto efficere potuisset ut subditus obediens perniciosa non fuissent? Potestne aliquis homo efficere, ut quod lege æternâ illicitum est, illicitum non sit, & sic legem immutabilem mutare, quod ne Deus quidem potest? Certissimum est ergo doctrinam illam Sanctorum passim quidem & plurimum veram esse, in iis quæ humanae sublunt potestati, & in his quæ non sunt aperte contra Deum, ut loquitur Bernardus: verum esset aperte contra Deum obediens Prælato præcipienti aliquid, quod probabilius vel probabiliter est contra Deum. Quia esset aperte contra legem Dei, non solum prohibentem peccatum, sed & præcipientem careri probable periculum illius. Cui si Prælatus exponere se præcipiteret, præcipiteret id quod non est in sua potestate, nec intra sphæram materiae, ad quam se extendit votum obediens.

1102 **O**bijices 15°. simplices & minūs docti in dubiis & difficultatibus suis à Spiritu sancto paſſim in sacris Paginis remittuntur adjudicium & consilium seniorum & sapientiorum; jubenturque eos audire Deuter. 32. Interroga parvum, & annuntiabit tibi, &c. Sap. 22. Anāi verba sapientum. Tob. 4. Consilium à sapiente perquiere, &c. Atqui judicium & consilium seniorum & sapientum aliquando est de re probabilius contraria iuri naturæ. Ergo simplices & minūs docti non peccant, etiam tunc audiendo & sequendo consilium ipsorum. Neque enim peccare possunt audiendo Instructores sibi datos à Spiritu sancto.

Respondeo 1°. eandem Veritatem, quæ

simplices & minūs docti ad doctos Sacerdotes, & Prælatos, pro instructione misit, v.g. Judæos ad Scribas & Phariseos, de iisdem alibi dixisse: *Si caecus caco ducatum præstet, ambo in foveam cadunt.* Et idē respondeo 2°. negando consequentiam, ipsius namque probatio dicit in præcipitum. Probat enim (siquid probat) eos ne tunc quidem peccare, dum ab Instructoribus, sibi datis à Spiritu sancto, prava docentur, v.g. idolatriam. Sed hac de re quid Augustinus? Ipsum num, 998. auditivus loquentem de puer, nato inter Paginos, & ab ipsis edocto idolatriam, majorum proinde autoritate atque exemplo lapides colentes; non tamen ipsum excusat Augustinus, sed de impietate ista veniam jubet deprecari. Siquis tamen simplicium excusabilis esset, quod ex majorum vel sapientum consilio contra naturæ jus fecisset, maximè parvulus iste, de quo sic Augustinus: *Quid faceret puer natu inter parentes, ut non coleret lapidem, quando illum cultum insinuaverunt parentes eius?* Inde prima verba audivit, illum errorum cum latte sussit. Et quia illi qui loquebantur, magiores erant, & puer qui loqui discebat, infans erat, unde poterat parvulus, nisi majorum autoritatem sequi, & id sibi bonum dicere, quod illi laudarent? Simplices ergo non excusari à toto, sequendo consilium seu instructionem majorum, in iis quæ sunt contra jus naturæ, certa est Augustini sententia: etiam si fatendum sit quod si in ipsis nullum esset obstaculum gratia & illuminationis divina (uti est in puer illo peccatum originale) facerentque totum quod in se est ad cognoscendam veritatem necessariam ad salutem, Deus ipsos instrueret per se, vel per Consiliarios vel Doctores veritatis, præservaretque à magistris erroris. In quos dum aliqui incident, in penam peccati incident, Deo spar gente poenales cæcitates super illicitas eorum cupiditates, & permittente ut caci in cacos duces incident: sicut populo Judaico Dominus comminatus est Ita. 3. 4. *Dabo pueros Principes eorum, & effeminati dominabuntur eis.* Unde 3. Reg. 18. Deus propter sceleram Achab dedisse dicitur spiritum mendacii in ore omnium Prophetarum, ut cum consuleret eos, deciperetur ab eis. Et Ezech. 14. *Qui posuerit immundicias in corde suo.... & venerit ad Prophetam, interrogans per eum me; ego Dominus respondebo ei in multitudine immundiciarum suarum.* Et infra: *Propheta cum erraverit, & locutus fuerit verbum, ego Dominus decepi Prophantem illum.... juxta iniquitatem interrogantis, sic iniquitas Propheta erit.* Itaque propter peccata hominum, Deus plerunque permittit eos decipi & excæcari, vel 1°. permittendo quod à malis Doctores deceantur falsa, ut proximè ostensum est. Vel 2°. faciendo ut boni Doctores raseant, nec instruant de necessariis ad salutem, juxta illud Ezech. 3. *Linguam tuam adhærere faciam palato tuo, & eris muius, nec quasi vir objurgans: quia dominus exas-*

perans est. Vel 3°. faciendo ut peccatores ea que superest ipsis culpabilis ignorantia, non intelligent bonos Doctores vera docentes, mortalis non sit, sed venialis, ut dixi libro juxta illud Isa. 29. *Et erit vobis visio omnium,*

*sicut verba libri signati; quem cum dederint scienti litteras, dicent, lege istum. Et respondere debet: non possum; signatus est enim, &c.*

1103 *Objicies 16°. Si vera sit regula nostra 13.* & 14, vita nostra obnoxia erit innumerabilis anxietatibus, & scrupulis.

Respondeo 1°. negando antecedens. Quia regula nostra nihil tradit, nisi quod ab ipsis met Probabilistis & Probabilioristis, & ab omnibus mortalibus sine scrupulo & anxietate in omni servatur negotiorum genere, ut vidimus n. 1077.

1104 2°. cur vita nostra potius exposita est innumerabilibus scrupulis, ex hoc quod ubi agitur de lege naturali, abstinentiam sit ab omni eo, in quo justus nobis inest, vel inesse debet timor peccandi contra illam, si abstinenre absque simili periculo possimus, quam ubi agitur de quocumque negotiorum humatorum genere, in quo prudentes abstinent ab eo, in quo justus ipsis timor inest, vel inesse debet incurriendi danni temporalis? Si scrupulosi non fuerint Sancti, qui divinam offensam, illiusque periculum metuebant, etiam in iis in quibus nec Probabilistæ, nec Probabilioristæ ullum agnoscunt illius periculum: quam ob causam Theologi, Concionatores & animarum Directores dicendi sunt materiam præbere scupulorum fidelibus, proponendo exempla illa Sanctorum? Profectò si à fideliū cordibus amovendus esset justus timor mali, Scriptura non diceret Prov. 14. 16. *Sapiens timet, & declinat à malo; stultus transfilii, & confidit.* Et cap. 28. 14. *Beatus homo qui semper est pavus, &c.* Sane non video (inquit Charlasius) quā ratione scrupulis dent anam, qui docent non licere id facere, quo perfringendam legem Dei naturalem prudenter judices vel timeas, nisi scrupulm appelles præceptum de Deo summe diligendo. Neque enim summa Dei dilectio stare potest cum voluntate faciendi id quod prudenter timeas, vel timere debebas esse contra dilecti voluntatem.

1105 Nec propterea fideles perpetuis cruciabuntur anxietatibus, quasi semper paventes, vel pavere debentes periculum violandæ legis Dei. Quia si utantur adjumentis cap. 83. n. 1044. 1045. 1046. 1047. 1048. 1049. 1050. & 1051. memoratis, confisi divinis promissis, à divina bonitate firmiter sperare debent, quod, per cognitionem veritatis faciendorum, vel omitendorum, ab ejusmodi anxietatibus liberabuntur.

1106 Ad consolationem ipsorum moneti etiam poterunt, quod siquando, post consultacionem peritorum, ex toto non liberentur ab errore & ignorantia; tanta tamen esse potuerit diligentia, ab ipsis adhibita ad cognoscendam veritatem, tanta etiam cura adhibendi extera administracula cognoscenda veritatis, ut

## C A P U T X C.

*Reflexio salutaris ad proxime dicta.*

EX ibi dictis prudens Lector mirabitur vi- 1107 tium illud tam commune, quo nimis fe- stinanter inclinatur animus ad assentendum propositionibus, vel falsis quasi veris, vel incertis quasi certis. Unde hoc, nisi ex eo quod impelluntur amore suarum, vel sui Sodalitii opinionum, quo sic eis adhaerescunt, ut ne audire quidem velint ea quibus forte ad veritatem revocarentur?

Levissima rationes, istis opinionibus faventes, invictissima videntur argumenta. Ratio-nes in contrarium, licet demonstrativa, ne probables quidem videntur. Estque istud miseratione dignum, quod hoc vitium in aliis omnes notamus & reprehendimus (inquit Charlasius) in se ferè nemo.

Argumenta, quae contra Probabilismum deduximus suprà, sapientioribus hodie videntur adeò certa & evidenta, ut iis cedere debant universi. Sed iis adeò non cedunt, qui anticipatarum opinionum suarum amore te- nentur, vel qui doctrinam regendi suaviter fidelibus, vel suis etiam forte cupiditatibus magis commodam sequuntur, ut eam sibi eripi nequaquam ferant, veritatique contra Probabilismum tanto cum splendore radianti, non solum non cedant, sed adhuc Probabilismum suum certò licitum assérere non desinant.

Et mihi ipsi (fateor) adeò certa & convin- 1108 certaria olim visa sunt argumenta sexdecim, pro Probabiliorismo, sicutem reformato, sive ex germanis Ethices Christianæ fontibus de- prompto, cap. 84. & seqq. adducta, ut saltem pleraque ex ipsis viderentur demonstrati-va. Verum in lege Domini profundius medi- tanti, remque maturius expendenti, sapiens ac ferventius invocato cœlesti lumine, tandem visa sunt leviora, efficaciterque per da- tas ad ea responsiones enervata & soluta; vel hinc ergo intelligamus, vitiolum esse, fallaci- bus & minus solidis rationibus ita affici, ut iis defixus animus scire se putet, quod revera nescit, & non errare, ubi revera errat. Quod idèo turpissimum Augustinus l. 6. de util. cred. pronuntiat, quod & discere non potest, qui sibi jam se scire persuasit, & per se ipsa teme- ritas non bene affecti animi est figurum. Quod si bene perpendissent Probabilistæ, tot sapien- tissimorum Episcoporum censuras contra suam de probabilitate doctrinam non provocassent, nominatim eam, quæ ipsum etiam Probabiliorismum configere videtur: *Hac doctrina (ait Illustrissimus Henicus de Gondrin, Archiepiscopus Senonensis) quatenus omnes probabiles opiniones, qua falsa unique esse possunt (quod etiam probabilioribus convenit) in con-*

Aaaaaa 2

Tom. I.